



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Quæst. 73. Quid notandum sit circa nomina Eucharistiæ.

urn:nbn:de:hbz:466:1-42545

III. Etsi quælibet species, imò quævis pars species, sit integrum & essentialiter perfectum Sacramentum; adeoque Sacramentum Eucharistiae, sub speciebus panis & vini physice & materialiter specie differat; moraliter tamen, & in ratione Sacramenti, est unum specie infima Sacramentum; tum quia est unum signum rei sacrae; tum quia ordinatur ad unum specie infima finem, *Vid. S. Th. q. 73. a. 1.*

IV. Etsi physice loquendo, tot sint numero Sacramenta, quot numero species, vel etiam partes specierum; moraliter tamen unum numero Sacramentum est, quod per modum unius proponitur, & sumitur: quia id ad unum finem, scilicet unam refectionem spirituales, refertur.

V. Hostiae in diversis altaribus, recte concipiuntur ut distincta Sacramenta: contra verò, si Sacerdos unam hostiam in plures partes dividat, vel plures hostias simul sumat, (eadem est ratio plurium specierum, diversae rationis) non ideo dicitur accepisse plura numero Sacramenta.

A D D E N D A.

Q. 73. Quid notandum circa nomina Eucharistiae. *Re.* Eucharistia dicitur à Graeco, *εὐχαριστία*, gratia, *εὐχαριστία* gratia optima, vel gratiarum actio. Varia illius nomina recenset *Suar.* hic in *Comment. ad q. 73. a. 4.*; omnium autem copiosissime congestit *Theophilus Rayn.* tom. 6. tr. 1., cui titulus, *Candelabrum sanctum septilustre*, ubi tota sectione quinta à pag. 191. per alphabeti ordinem instituit longum onomasticon ejusmodi

modi nominum & titulorum. Præcipua nomina sunt, 1. *Synaxis*, sive *Communio*, quia per ipsam communicamus cum Christo, participantibus ejus Divinitatem & humanitatem, 2. *Panis*, quia animam nutrit. 3. *Convivium*, quia animam satiat. 4. *Cæna Dominica*, quia Christus vespere instituit. 5. *Venerabile*, quia est Sacramentum inter reliqua dignissimum. 6. *Sacrificium*, *hostia*, *victima*, quia offertur Deo. 7. *Memoriale passionis*, quia fit in commemorationem Christi passi. 8. *Viaticum*, quia per eam præparamur ad viam, ex hac in æternam vitam.

405. Q. 74. *Quenam in Ecclesia exorta sint hæreses circa Sacramentum Eucharistiæ. R. Esse propè innumeras, sed præcipuæ sunt seqq.*

1. Aliqui negârunt Eucharistiæ esse Sacramentum, volentes vel nullum, vel solum Baptismum esse Sacramentum, uti habet *Dicast* d. 1. n. 5. Et *Ubiquistæ* etiam re ipsa tollebant hoc Sacramentum, dicendo Christum esse ubique, uti rectè *Bellarmin.* l. 3. c. 17., contra quos fusissimè agit *Valent. sect. 3. in Controv. Ubiquitaria.* Damnantur autem illi omnes à variis Conciliis apud *Arr.* d. 28. n. 2.; novissimè à *Trid. sess. 7. de Sacram. in genere, Can. 1., & sess. 13. per omnia capita & Canones.* Neque Sacramentum esse negârunt *Lutherus* vel *Calv.* imò nec *Mahomet*, teste *Lugo* d. 1. n. 1., qui hoc solum culpât, quòd Christiani, cum credant Christum esse Deum, nihilominus eum devorent; sed damnatur in supradictis Conciliis, quæ definiunt Christum rectè & utiliter sumi à fidelibus.

2. *Sacramentarii* dixerunt in hoc consistere totam rationem Sacramenti, quòd Christus in-

stitu-